



## **TOSHKENT DAVLAT YURIDIK UNIVERSITETI REKTORINING B U Y R U G ' I**

11.01.2023

10-um-son

### **Toshkent davlat yuridik universiteti muassisligidagi jurnallarni raqamli obyekt identifikatorlari (DOI) bilan ta'minlash to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandiga asosan va Toshkent davlat yuridik universiteti kengashining 2020-yil 21-maydagi navbatdan tashqari majlis bayoni bilan tasdiqlangan Toshkent davlat yuridik universitetini 2030-yilgacha xalqaro tan olingan tashkilotlar reytinglaridagi eng yaxshi oliy ta'lim muassasalari ro'yxatiga kiritish, shuningdek uning milliy reytingdagi o'rnini yuksaltirish bo'yicha Kompleks chora-tadbirlar rejasi ijrosini ta'minlash, universitetning ilmiy jurnallarini xalqaro ilmiy-texnik ma'lumotlar bazasiga kiritish hamda professor-o'qituvchilar, doktorantlar, mustaqil izlanuvchilar va tadqiqotchilar uchun ilmiy ishlar natijalarini xalqaro miqyosda e'lon qilishga qo'shimcha imkoniyatlar yaratish maqsadida

### **B U Y U R A M A N:**

1. 2022-yilda CrossRef tashkiloti bilan hamkorlik doirasida Toshkent davlat yuridik universiteti muassisligidagi "Yuridik fanlar axborotnomasi – Вестник юридических наук – Review of Law Sciences" jurnalida chop etilgan maqolalar uchun 113 ta DOI raqamlari rasmiylashtirilganligi ma'lumot uchun qabul qilinsin.

2. CrossRef tashkiloti dunyo bo'ylab chop etiladigan jurnallardagi maqolalar, kitoblar, konferensiya materiallari, dissertatsiya va grant loyihalarini xalqaro platformalarga joylashtirish imkonini beruvchi raqamli obyekt identifikatorlarini (DOI) beruvchi xalqaro DOI jamg'armasining to'g'ridan to'g'ri a'zosi hisoblanishi e'tiborga olinsin.

3. Tahririy-nashriyot bo'limi(O.Choriyev):

Xalqaro hamkorlik boshqarmasi bilan birgalikda universitet jurnallarini xalqaro platformalarga universitet nomidan kiritilishini ta'minlash uchun raqamli obyekt identifikatorlarini (DOI) beruvchi CrossRef tashkiloti bilan hamkorlikni davom ettirsin;

CrossRef tashkiloti tomonidan to'lov uchun yuborilgan inyoyslarni Buxgalteriyaga o'z vaqtida topshirilishini ta'minlasin;

raqamli obyekt identifikatorlari(DOI)dan o'rinli va samarali foydalanish choralarini ko'rsin.

4. Buxgalteriya (M.Parpiyev):

2023-yil 1-fevralga qadar 2022-yilda rasmiylashtirilgan 113 ta DOI raqamlari uchun taqdim etilgan inyoysga muvofiq 113 AQSh dollari miqdoridagi mablag'ni CrossRef tashkiloti hisobraqamiga o'tkazsin;

2023-yil 10-fevralga qadar 2023-yil uchun taqdim etilgan inyoysga muvofiq yillik a'zolik badali(275 AQSh dollari) CrossRef tashkiloti hisobraqamiga o'tkazilishini ta'minlasin;

2023-yil davomida har kvartal yakuni bo'yicha rasmiylashtirilgan DOI raqamlari uchun to'lov mablag'larini inyoys taqdim etilgan sanadan boshlab bir oy muddatda o'tkazish choralarini ko'rsin;

yillik a'zolik badali hamda rasmiylashtirilgan DOI raqamlari uchun to'lov mablag'lari universitetning budjetdan tashqari mablag'lari hisobidan o'tkazilsin.

5. Mazkur buyruq ijrosini nazorat qilish moliya-iqtisod ishlari bo'yicha prorektor A.Iminov va ilmiy ishlar va innovatsiyalar bo'yicha prorektor B.Xodjayev zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Bo‘lim boshlig‘i

O.CHORIYEV



## **Kelishildi:**

Ilmiy ishlar va innovatsiyalar  
bo‘yicha prorektor

B.XODJAYEV



Moliya-iqtisod ishlar bo‘yicha  
prorektor

A.IMINOV



Bosh buxgalter

M.PARPIYEV



yuriskonsult

D.ALIBOYEV

